

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

i

„MIBO KOMUNIKACIJE" d.o.o Sarajevo, Tvornička 3, ID: 4200470540005, koga zastupa direktor Marko Boštjančić (u daljem tekstu: Dobavljač)

zaključili su:

UGOVOR O NABAVCI SOFTVERA ZA OBRADU MULTIMEDIJALNIH VIDEO SADRŽAJA (LOT 3)

Član 1.

Predmet ovog Ugovora je nabavka softvera za obradu multimedijalnih video sadržaja AMPED FIVE SOFTVER za forenzičku obradu multimedijalnih sadržaja sa uslugama obuke (LOT 3), za potrebe Uprave policije MUP-a Kantona Sarajevo.

Nabavka je izvršena putem otvorenog postupka, na osnovu Odluke broj 02-14-4-3957 od 25.07.2019. godine.

Član 2.

Ugovorne strane su se sporazumjele da kupoprodaja iz člana 1. Ugovora obuhvata sve elemente navedene u ponudi Dobavljača broj: PON-1364/19 od 13.08.2019. godine i na osnovu koje je, zajedno sa elementima iz tenderske dokumentacije i sačinjen ovaj Ugovor. Ponuda Dobavljača broj PON-1364/19 od 13.08.2019. godine je sastavni dio ovog Ugovora.

Član 3.

Ukupna vrijednost predmetne nabavke sa uključenim PDV-om iznosi:

41.347,80 (četrdesetjednahiljadatristotinečetrdesetsedam i 80/100) KM

Cijena i ostali elementi ovog Ugovora se ne mogu mijenjati.

Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 5.

Dobavljač se obavezuje da će robu iz člana 1. ovog Ugovora isporučiti najkasnije u roku od 60 (šezdeset) dana od dana stupanja na snagu ovog Ugovora, na adresu Ugovornog organa, La Benevolencije 16, 71 000 Sarajevo, Sektor kriminalističke policije.

Sve troškove isporuke do primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. i 2. ovog Ugovora.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog Ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog Ugovora.

Član 6.

Plaćanje izabranom ponuđaču će se vršiti u roku od 30 (trideset) dana od dana isporuke robe i dostavljanja fakture, na tekući račun Dobavljača.

Član 7.

Dobavljač se obavezuje izvršiti obuku 3 (tri) službenika Sektora kriminalističke policije u predmetnom softveru. Obuka će obezbjediti teoretski i praktični dio koji obuhvata upotrebu softvera, te pružiti uvid u izazove sa kojima se korisnici susreću prilikom obrade forenzičkih video zapisa i digitalnih multimedijских dokaznih materijala. Obuku će voditi iskusni i licencirani predavači u ovlaštenim prostorijama proizvođača.

Član 8.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 1. ovog Ugovora, Ugovorni organ može jednostrano, bez saglasnosti Dobavljača, raskinuti ovaj Ugovor.

Član 9.

Garantni uslovi:

- 1 (jedna) godina podrške za preuzimanje i instaliranje ažuriranih verzija softvera;
- 1 (jedna) godina tehničke podrške proizvođača putem e-maila.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja ili više sile.

Član 10.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 11.

Eventualno nastale sporove pri realizaciji ovog Ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 12.

Svaka od Ugovornih strana može otkazati ovaj Ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.


Član 13.

Ovaj Ugovor je zaključen, kada isti potpišu obje ugovorne strane i traje do realizacije ugovorene isporuke.

Član 14.

Ovaj Ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
MIBO Komunikacije d.o.o Sarajevo



direktor Marko Boštjančić



Broj : 266/19

Datum: 30.09.2019.

UGOVORNI ORGAN
MUP KANTONA SARAJEVO
UPRAVA POLICIJE



POLICIJSKI KOMESAR
Generalni inspektor policije
Nusret Selimović

Broj: 02-14-4-3957-6

Datum: 17.09.2019. godine

